

中興禮書

中興禮書第二百四卷

嘉禮三十二

天申節二

紹興十四年三月十四日禮部太常寺言據秦州申五月二十一日天申節依例預開建祝聖壽道場一月係四月二十一日開啟至五月二十一日滿散今照得四月二十一日係徽宗皇帝忌所有開建天申節祝聖壽道場未審合于甚日分開啟乞指揮降下太常寺勘會天申聖節依例係四月二十一日開啟道場今來委是相妨欲乞四月十九日開啟至五月二十一日滿散仍乞應諸路州軍等處依此施行詔依四月十六日中書門下省言檢會紹興令諸禁屠宰聖

節三日

前接各一日宴設內
正用羊前一日宰

詔申嚴行下令遵州縣守

五月四日後苑奏契勘去年五月二十日就法惠寺排
辦賜張浚等滿散天申節御筵所有將來滿散天申節
御筵所有將滿散天申節御筵本苑即未敢排辦詔依
例排辦

十一日禮部太常寺言天申聖節依先降指揮五月十
九日樞密院官滿散訖作齋筵五月二十一日三省官
俟上壽立班次赴滿散畢作齋筵今契勘今來五月十
九日使人到闕朝見即與樞密官滿散作齋筵相妨今
欲乞改用五月十八日詔依

十五日御輦院狀將來金國賀天申聖節使人到闕合
排辦事件下項 一紫宸殿在京日使賀聖節見辭是

日早人員輦官等逍遙平輦入紫宸殿于東西朵殿相
向安放平輦在東逍遙子在西人員輦官下殿迎聖駕
起居訖上朵殿於御座下排立俟禮畢赴院今來使人
到闕合依前項體例排辦 一今來集英殿大宴若自
常御殿坐集英殿即無輦路通過兼紹興十三年已降
指揮已不排辦平輦詔紫宸殿更不排設集英殿依去
年例

十五年五月七日內侍省言准閤門關張浚韓世忠韋
淵錢忱等伏遇天申聖節預于四月十九日就南山淨
慈禪寺啟建祝聖壽道場一月日滿散今檢准大觀看
詳元豐格聖壽賜臣僚罷散道場香酒果宰臣已下知
樞密院事已下親王宗室開府儀同三司已下殿前都

指揮使已下節度使已下各一員閤門契勘內開府錢
忱依上條合該取賜香酒果今來係與張浚等同共開
啟滿散緣張浚等三員官序在錢忱之上於條未有該
載賜香酒果明文詔張浚等滿散道場特依宰臣樞密
例差官取賜今後准此

十六年三月四日吳國長公主奏違遠聖公條經三歲
以在遠方無日不思入見欲同滿正夫將帶兒女骨肉
官吏諸色人并娶州見差破軍兵等前去入勤及聖節
上壽欲望特降睿旨詔依

十七年四月九日禮部言准正月二十二日勅中書門
下省言天申節本為臣子祝筵聖壽訪聞州縣因緣科
優飲燕無度以至多殺物命殊失本意詔委御史臺彈

効監司互察所部違戾失於按發定當黜責仍令禮部
立定宴設則例行下諸路遵守本部尋下太常擬寺定
開具下項 一宴設自來唯滿散聖節日賜宴今欲約
除滿散日賜宴外餘日并開啟日不許排辦茶酒 一
錢物自來有合破係省錢今欲依舊來數目支破係省
錢外若有不足唯許將公使錢貼支即不得以聖節為
名別行指率及不得於諸色人名下寄養豬羊其收買
過物色等並支見錢不得賒欠所用過錢物具帳目縣
申州州即申轉運司驅磨 一本寺取會到臨安府宴
設則例每遇天申節止是一次管設在府合赴坐官吏
將校父老則吏官員上筵第一盞羊頭假鼈脯第二盞
爐燼羊第三盞霞下饅頭鼈頭第四盞麻飲粉第五盞

餅黑白鹽釀笋湯蠶再生第六盞肉醋沙魚第七盞酥
密食茶湯第八盞千里肉第九盞餅旋酢茶湯父老將
校公人下筵第一盞豬頭假鼈膽第二盞豬肉大渙第
三盞豬肉霞下大饅頭第四盞青汁粉第五盞豬肉鹹
鼓餅再生第六盞肉醋沙魚第七盞簇三糖餅第八盞
千里肉第九盞餅脯肉上下筵看食每分三事棗塔子
每分四箇簇三油餅霞下大環餅本寺今欲依前項臨
安府宴設則例施行外內官員上筵再生第六盞肉醋
沙魚今相度欲改作白肉胡餅本部今相度欲依此從
本部行下諸路轉運司各行_下所管州軍等處遵守詔依
八月二十八日臣僚劄子奏伏覲四月九日指揮自來
滿散聖節日賜宴錢物依舊來數目支破係省錢若不

作許將公使庫錢貼支臣竊見諸州舊破係省錢每州五十貫大縣二十貫酒二碩中下縣以次遞減緣係舊來立定數目今來州縣官吏員數稍多於舊而物價亦倍增於昔至如外縣又無公使錢可以貼支臣竊以用度既廣而錢物不免或恐巧為名目却致抵冒不能仰副陛下克己復禮仁民愛物之意以臣愚見欲將舊立州縣所破係省錢數以大小郡縣令逐路監司重行定立俾之可以了辦宴設庶幾必於遵守詔依

二十年五月二日禮部言都省批送下主管親賢宅所申吳王益王府尊長居廣中乞依大宗正思南班官每遇天申節滿散訖並隨樞密院官起赴尚書省齊筵後批送部看詳申尚書省行下太常寺看詳欲依紹興十

三年士太等降指揮施行詔依

二十一年五月十六日詔將來賀天中使人朝見宰臣起居侍立依正旦已得指揮上壽日今赴紫宸殿茶酒進酒免跪滿散賜御筵並免謝恩其紫宸殿上壽令奏嬉押班進酒

同日詔秦檜今赴垂拱殿六拜上壽進酒訖降階免拜舞

三十年四月四日禮部太常寺言將來天中聖節所有諸路州軍等處除止合開啟滿散作道場外即不合排

宴亦不合作樂今進奏院遍牒施行詔依

昨在顯仁皇后服制

七日禮部御史臺閤門太常寺言將來天中聖節尚書省樞密院并諸官司開啟滿散日欲依典故開啟滿散

日不作樂仍罷齋筵詔依

時在顯仁
皇后殿制

五月九日閤門言准尚書省劄子太常寺討論檢照景祐元年典故契丹遣使來賀乾元節宰臣率百官上壽于紫宸殿今來天申節太常寺乞比附前項典故宰臣并金國使人文武百官上壽於紫宸殿詔依契勘紫宸宰臣以下係御史臺太常寺閤門同共應奉所有垂拱殿親王樞密管軍上壽係屬閤門其將來垂拱殿上壽取進止詔垂拱殿上壽權免樞密已下令權赴紫宸殿隨宰臣已下合班上壽從義郎已下權免赴起居管軍并應奉官並權今後殿起居行門紫宸殿起居三十一年四月十二日禮部太常寺言將來天申聖節上壽并開啟滿散不作齋筵及不作樂等并使人到闕

應合行事件欲乞並依紹興三十年前後已降指揮體
例施行詔依

五月二十日詔為臆膽不調免上壽更不習儀

時周欽宗皇帝

音卦

三十二年正月十二日禮部太常寺言今年天申聖節
係在恭文順德仁孝皇帝服制之內其諸州軍等處止
合開啟滿散作道場外即不合排宴亦不合作樂等欲
依去年已降指揮施行詔依

三月二十九日禮部太常寺言將來天申聖節上壽並開
啟滿散不作齋筵及不作樂等并應合行事件欲乞並
依紹興三十年前後已降指揮體例施行如人使到闕
其見辭等禮數欲乞閤門國信所及所屬申請施行詔

依

隆興二年
仍此

四月十九日敷文閣待制提舉江州太平興國宮楊傑
劄子傑雖在外祠見居行在伏遇天中聖節曾牒閣門
合於是何去處開啟滿散並將來上壽合與不合赴赴
據閣門闕只合隨班赴赴上壽所有開啟滿散於臣子
之義有所未安伏望朝廷特降指揮許契赴赴開啟滿
散詔依

五月三日詔五月二十一日天申聖節權免上壽

十八日禮部侍郎黃中等劄子檢會哲宗實錄元豐八
年十二月壬戌詔興龍等以諒闇中上壽宜罷戊辰興
龍節宰臣率百官赴東上閤門拜表稱賀所有今年五
月二十一日天申聖節依已降指揮權免上壽今欲乞

依禮例是日宰臣率文武百僚詣文德殿拜表稱賀詔
免拜表

中興禮書第二百五卷

嘉禮三十三

天中節三

隆興元年二月二十八日詔今後諸路監司州軍進奉天中聖節禮物依舊起發外其會慶節合進貢之數並免椿發止令奉表附驛以聞

三月二十八日閤門言將來天中聖節三省樞密院開啟滿散日依禮例不作朝殿詔依

四月十七日禮部侍郎黃中等子劄將來天中聖節皇帝及宰臣文武百僚合指德壽宮上壽緣當日係欽宗皇帝大祥前一日服制之內今欲乞是日皇帝詣德壽宮起居如宮中之儀次宰臣率文武百僚拜表稱賀詔

依五月五日禮部太常寺言將來天中聖節是日文武
德壽宮拜表處起赴不及今欲乞應起赴拜表官程
赴德壽宮拜表處起赴不及今欲乞應起赴拜表官程
省官合滿裝運詣德壽宮拜表訖以候從駕還內其合赴
從駕官合滿裝運詣德壽宮拜表訖以候從駕還內其合赴
起居官各歸依
幕次起居詔依

三十日禮部太常寺言御厨狀契勘前例天申聖節樞
密已下詣垂拱殿上壽進酒不宣坐本厨即無排辦下
酒次宰臣等詣紫宸殿上壽進壽酒一盞即無下酒次
宣郡臣坐賜酒三行本厨排辦過下酒三味第一盞肉
鹽豉第二盞雜爆第三盞肉鮓又翰林司狀紫宸殿上
壽係班首進壽酒訖賜群臣酒三行所有今來天申聖
節車駕詣德壽宮上壽未有排辦禮例詔令禮部太常
寺討論詣定中尚書省契勘將來五月二十一日緣當

日係欽宗皇帝大祥前一日服制之內承指揮是日皇帝詣德壽宮起居如宮中之儀次宰臣文武百僚拜表稱賀所有御厨翰林司申乞事理今討論指定即並未立排辦詔依

二年三月十四日禮部太常寺言將來天申聖節皇帝率文武百僚詣德壽宮上壽行在并外路開啟滿散齋筵排宴禮儀詔令禮部太常寺討論申尚書省今討論下項 一今來天申聖節前一月三省樞密院分日詣明慶寺開啟并至日滿散欲乞依紹興九年十年禮例權不用樂 一今來皇帝率文武百僚詣德壽宮上壽今欲乞是日太上皇帝即御座前導官導皇帝升殿上壽畢詣太上皇帝御座之東西向立俟文武百僚稱賀

訖太上皇帝駕興皇帝後從入宮以俟車駕還內所有
上壽欲乞權不作樂其儀注乞令御史臺問門太常寺
同共修定申請 一勘會天申聖節齋筵大宴欲乞權
不排設 一諸路州軍等處開啟滿散作道場外今欲
乞權不作樂及不排宴令都奉院遍牒施行詔依上壽儀注
詳具于後

四月五日禮部太常寺言天申聖節依已降指揮皇帝
率文武百僚詣德壽殿上壽今具合行申請事件下項
一上壽日今欲乞是日不係從駕官並先赴德壽宮
門外迎駕起居訖以俟立班上壽內合從駕官從駕詣
德壽宮以俟立班上壽訖次三省官並合赴明慶寺滿
散其從駕官滿散退詣德壽宮幕次以俟從駕還內其

合起居官滿散退各詣逐幕次起居 一上壽日今欲
乞和寧門并北宮門及德壽宮門並比常日早一刻開
一上壽前一日欲乞依例文武百僚并應奉官司並
質明赴德壽宮習儀 一上壽日不測值雨露濕欲乞
隨宜於兩廊及殿門內外立班其應奉官等隨宜升降
應奉詔依

五月七日禮部太常寺言天申聖節皇帝率文武百僚
詣德壽宮上壽今具奏官下項侍中一員受盤盞奉酒
躬進皇帝并復受盤盞今乞於宰執內差官侍中一員
奉禮畢乞於執政官內差官侍中一員承旨宣制乞于
樞密院官內差官殿中監一員以盤盞授侍中並啟盞
復授盤盞乞於侍從兩省官內差官殿中少監一員以

酒注於盤乞於內從卿監內差官詔依

乾道元年二月十二日禮部太常寺言今年正月一日郊祀大禮畢皇帝詣德壽宮上壽已行樂所有將來天申聖節諸路州軍等處合開啟滿散道場作樂等並乞依紹興二十九年天申聖節已行禮例權宴排宴合取自朝廷指揮令都進奏院通牒施行詔依

三月二十日禮部太常寺言今具申請件下項一勘會三省樞密院官前一月分日詣明慶寺開啟及滿散欲乞依上件禮例用樂一昨正月一日皇帝率文武百僚詣德壽宮已行用樂上壽所以將來天申聖節欲乞是日皇帝率文武百僚詣德壽宮依上件禮例用樂上壽一依已降指揮將來天申聖節諸路州軍等處

權免排宴所有行在齋筵大宴合取自朝廷指揮一
將來天申聖節上壽合用欲樂今欲乞依今年正月一
日上壽已用人數下臨安府差撥計會所屬祇應所有
開啟滿散合用樂人亦乞令本府量人數差撥詔齋筵
大宴依禮例施行餘並依

同日詔奉太上皇帝聖旨天申節齋筵大宴並權免是

至乾道五年齊廷
大宴依例權免

四月四日禮部太常寺言天申聖節前一月開啟道場
樞密院官係用四月十八日三省官係用四月十九日
今准主管往來國信所牒使人約程四月九日入國門
排日擬定用四月十八日起宴十九日朝辭契勘即與
開啟日分相妨今欲乞改用四月十七日樞密院官開

啟道場四月十九日俟使人朝鮮畢三省官起赴開啟道場詔依

二年五月十五日詔天中節車駕詣德壽宮上壽臣僚免謝時服今後准此

五年五月十九日御史臺聞門太常寺言已降指揮恭奉太上皇帝聖旨今月二十一日車駕免詣德壽宮上壽詔宰執已下詣德壽宮上壽今條具申請事件下項

- 一欲乞五月二十日宰執已下詣德壽宮習上壽儀
- 一所有差侍中并殿中監少監今欲乞依已差定官
- 一欲乞俟宰執已下詣德壽宮上壽訖次三省官赴明慶寺滿散詔依

六年四月二日詔乾道六年天中聖節行在齋筵大宴

并諸路州軍等處排宴并依紹興二十九年以前禮例
十日詔將來天申聖節尚書省樞密院齋筵更不須用
十六日禮部太常寺言將來天申聖節三省樞密院官
除依舊分日詣明慶寺滿散外所有齋筵止乞併作一
日於貢院劄付禮部同太常寺御史臺閤門再行契勘
若併作一日滿散合如何立班有無窒碍其齋筵若併
作一日係合就是何日分若文武臣並就五月二十一
日齋筵所有合用樂人等於德壽宮有無相妨疾速畫
一重別具申尚書省今禮部同御史臺閤門太常寺再
契勘下項 一昨紹興二十九年天申聖節上公率文
武百僚并使人詣紫宸殿上壽畢次宣群官升殿酒三
行并聖節後二日文武合赴坐官并使人赴集英殿大

宴今來天申聖節皇帝率文武百僚詣德壽宮上壽畢
 所有酒三行并聖節後二日大宴合取自朝廷指揮紹
 興二十九年以前三省樞密院官分日詣明慶寺滿散
 畢就貢院作齋筵禮部御史臺閤門太常寺契勘今來
 三省樞密院官依舊分日詣明慶寺滿散若并作一日
 滿散竊慮文武臣員數稍多及不測值雨有妨立班乞
 依舊分作兩日滿散其齋筵止乞併作一日若用五月
 二十一日緣至日皇帝率文武百僚詣德壽宮上壽畢
 內合從駕官依從駕還內合起居官詣逐幕次迎駕起
 居訖次三省官赴明慶寺滿訖赴貢院齋筵竊恐日晚
 相妨兼所用樂人三百人俟上壽畢即時宣押入苑門
 內殿祇應與貢院齋筵委有相妨今欲乞改就上壽次

日賜御筵於貢院其合赴坐官乞令御史臺閤門條具申請施行詔第一項依乾道四年例施行餘依

五月三日御史臺閤門言已降指揮今來天申聖節三省樞密院官依舊分作兩日滿散其文武臣併用五月二十二日賜御筵於貢院其合赴坐官乞令御史臺閤門條具申請施行今條具昨紹興二十九年以前閤門官下項 一御史臺契勘舊例文臣應通直郎已上并行在見任寺監主簿承務郎已上職事官武臣正任已上及宗室遙郡防禦使已上赴赴 一閤門契勘樞密院太尉學士待制樞密都副承旨以下武臣橫行通侍大夫以下至修武郎和安大夫至翰林醫痊及依近降指揮三衙諸軍統制統領官已上并合赴赴 一合來

契勘文武臣併作一日賜御筵除宰執太殿尉席面外
文臣係在東壁武臣係在西壁立班赴坐御史臺間門
預行依資次至日交互執事占者具名彈奏詔依

七日殿前侍衛馬步軍司狀今月二十九日准御寶封
降下主管殿前司公事王琪等劄子臣契勘昨紹興二
十九年以前遇天申聖節逐司率諸軍統制統領屬官
並諸班直班等將校開啟天申聖節道場一月至滿散
日就逐司作齋筵依例支用逐司官錢排辦今承指揮
天申聖節三省樞密院官齋筵併作一日於貢院賜御筵
其逐司官并諸軍統制統領官等至日起赴貢院御筵
所有逐司排辦齋筵取進止奉御筆批並權免
七年四月二十三日皇子雄武保寧軍節度使開府儀

同三司判寧國軍府事魏王愷奏臣將來天申聖節臣
合前期赴闕進香上壽詔依

五月六日禮部太常寺言准都省批下臨安府申皇太
子領臨安尹所有本府滿散天申聖節宴設官吏將校
父老集坐禮式未審合如何應辦送禮部同太常寺看
詳申尚書省今檢照下項 一政和五年十月四日詔

天寧節皇太子止赴垂拱殿上壽其紫宸殿及尚書省
御筵賀天寧節虜使到闕見辭并集英殿宴並免赴坐
明年十月十四日詔自
今筵宴等並免赴坐 一乾道六年五月十五日都

省劄子五月二十一日天申聖節上壽次日文武百僚
並作一日賜御筵於貢院除親王依舊例不合赴坐禮
部太常寺今看詳臨府滿散天申節宴設緣官吏將校

父老赴坐竊恐喧漬欲依前項典故指揮皇太子免赴其府治宴設止令本府以次官依乾道六年已依體例宴設詔依

八年四月十四日禮部言准都省批送_下主管侍衛馬軍司公事將帶諸軍統制統領屬官移屯建康府所有今年天申聖節顯忠乞依紹興二十一年指揮排辦欲就建康府寺院恭率諸軍統制統領屬官本司自行建置祝聖壽道場用樂開啟滿散及依建康府留守司體例就本司作齋筵酒食陳設器皿等本司排辦兼將來會慶聖節亦乞依此施行後批送禮部勘當申尚書省尋行下太常寺勘當本官所乞除就建康府寺院恭率諸軍統制統領屬官自行建置祝聖壽道場用樂開啟滿散

欲依所乞外其齋筵乞令本司照應紹興十三年外州
軍駐劄諸軍已降指揮及見今建康府注劄諸軍體例
施行所有將來會慶聖節用樂開啟滿散道場亦乞依
本官所乞事理施行其齋筵排宴係逐次申降指揮並
權免契勘將來會慶聖節行在并諸州軍等處若降指
揮許作齋筵排宴本司即合照應天申聖節體例詔依

中興禮書第二百六卷

嘉禮三十四

天申節四

淳熙元年四月八日詔天申聖節開啟齋筵依舊例排辦合用錢於左藏南庫支給

十三日樞密院言今次樞密院官開啟天申聖節道場并排辦齋筵已得指揮改用月十五日又再行子細契勘得乾道元年五月十七日已降指揮樞密院言於五月十八日詣明慶寺用樂滿散緣五月十九日欽宗皇帝忌辰其五月十八日係忌前一日改用五月十七日用樂滿散所有今來四月十六日章穆皇后忌十五日係忌前與乾道元年事體一同竊恐難以用樂開啟十

七日又係樞密院官第二日朝獻宿堂致齋之內難以

听樂今來只有十八日一日乞候是日景靈宮行禮畢

從駕還內樞密院官却赴明慶寺用樂開啟及赴赴齋

筵取進止詔依朝獻行禮畢今月十八日奉旨詣景靈宮

及天中節道場其應奉官并導從駕西班

五月十日閤門言已降指揮三省樞密院官滿散天申

聖節道場訖二十二日賜御筵可自今後樞密院官依

舊例滿散日賜御筵詔依

三年五月十一日詔今後樞密院官滿散天申聖節道

場賜御筵畢例次日作歇泊假一日

四年五月十一日尚書省劄子勅令所中參攷到乾道

時令諸禁屠宰天慶先天降聖開基節丁亥丁未日各

一日丁亥丁未日聖節三日自止節如崇奉神御及緣

祠事不在禁止之限上條內聖節三日字下注文因進

呈得旨用前十日以後禁令改修下條諸禁屠宰天

慶先天降聖開基丁亥丁未各一日丁亥丁未日聖節

三日用前十日如崇奉神御及緣詞事不在禁止之限

詔依

八年五月二十四日詔今後德壽宮上壽樂人令免謝

送御酒兩拜天申聖節車駕詣德壽宮上壽儀注

陳設

前期儀鸞司陳設德壽宮殿門之內外設御座於殿上

當中南向設大次於德壽宮門內南向小次於殿東廊

西向立皇帝褥位二一於御座之東西向一於御座之

南北向尚醴設御酒樽酒器於御座之東有司又設御
茶林於御座之西俱稍北

上壽

其日文武百僚內不係從駕者並先赴德壽宮門外以
俟迎駕起居質明後殿皇帝服靴袍出即御座從駕臣
僚禁衛起居如常儀皇帝降御座乘輦將至德壽宮文
武百僚迎駕兩拜起居訖

如值雨沾濕依已降指揮免起居

前導官太

常卿閤門官太常博士并禮直官先入詣大次前分左
右立定俟皇帝至德壽宮大次降輦入次御史臺閤門
太常寺分引皇太子并文武百僚入詣殿庭東西相立
定前導官導皇帝入小次簾降

唐軍如閤門前導官御帶環衛官諸司應奉官

等階下西北候迎太上皇帝四拜起居

御史臺閤門太常寺引皇太子并

文武百僚並橫行北向立俟太上皇帝出宮禁衛諸班
親從迎太上皇帝自贊常起居太上皇帝陞御座鳴鞭
前導官起居訖小次簾捲前導官導皇帝升殿東階詣
殿上折檻前北向褥位奏請拜皇帝再拜訖躬奏聖躬
萬福訖又奏請拜皇帝再拜訖前導皇帝詣太上皇帝
御座之東褥位西向立前導官于殿上次舍人揖皇太
子并文武百僚躬典儀曰再拜贊者承傳在位官皆再
拜揖笏舞蹈又再拜訖且躬身皇太子不離位奏聖躬
萬福訖典儀曰再拜贊者承傳在位官皆再拜訖直身
立分東西相向立禮直官引奉盤盞官受盤盞官承旨
宣答官奏禮畢官殿中監少監升殿東階未盞盞官殿中
監少監詣酒尊所折檻東折檻東西向立舍人通樂人姓

監少監詣酒尊所

折檻東西向立

舍人通樂人姓

名以下四拜起居看盞人稍前謝上殿贊拜兩拜贊上
殿祇候內侍進御茶牀殿侍酌酒訖尚輿典御以盞盞
酒注授殿中監少監次禮直官引奉盞盞官詣尊所北
向搢笏殿中監奉盞盞授奉盞盞官捧盞盞西向立殿
中監啟盞殿中少監以酒注于盞奉盞盞官奉酒詣皇
帝前北向禮直官引受盞盞官詣太上皇帝御座前西
向立御史臺閣門太常寺分引皇太子并文武百僚橫
行北向立奉盞盞官躬進皇帝皇帝奉酒前導官導皇
帝詣太上皇帝御座前躬進訖少後以盞授受盞盞官
復授奉盞盞官奉盞盞官北向立定前導官導皇帝詣
御座前褥位北向俛伏跪殿下皇太子皇太子帝奏臣
御名謹率文武百僚稽首言天申令節臣御名與百僚

等不勝大慶謹上千萬歲壽奏訖伏興奏請拜皇帝再
拜典儀曰再拜贊者承傳在位官皆再拜訖直身立禮
直官引承旨宣答官詣御座前稍東北向躬承旨詣皇
帝褥位北東壁西向立皇帝躬身殿下皇太子并百僚
內外同慶承旨宣答官復位奏請拜皇帝再拜典儀曰
再拜贊者承傳在並躬身承旨宣答官宣曰得皇帝壽
酒與皇帝并百僚內外同慶承旨宣答官退復位奏請
拜皇帝再拜典儀曰再拜贊者承傳在位官皆再拜訖
直身立分東西相向立前導官導皇帝詣御座東西向
立奉盤盞官以盤北向躬進皇帝訖奉盤盞官皇帝捧
盤詣御座東西向立樂作俟太上皇帝飲酒訖皇帝躬
接盞訖皇帝少後以盤盞授受盤盞官受盤盞官躬受

訖以授殿中監殿中監以授尚輿典御各復位立御史
 臺間門太常寺分引皇太子并文武百僚橫行北向立
 前導官導皇帝詣褥位北向奏請拜皇帝再拜典儀曰
 再拜贊者承傳在位官皆再拜訖直身立前導官導皇
 帝詣御座之東褥位西向立揖皇太子并百僚躬興儀
 曰再拜贊者承傳在位官皆再拜揖笏舞蹈又再拜訖
 直身立內侍舉御茶林禮直官引奏禮畢官詣御史前
 北向俛伏跪奏具官臣某言禮畢奏訖伏興退復位興
 儀曰再拜贊者承傳在位官皆再拜訖直身立分東西
 相向立次舍人贊樂人謝祇應兩拜訖太上皇帝駕興
 皇帝從入皇太子文武百僚前導應奉官等以次退

中興禮書第二百九卷

嘉禮三十七

羣臣上表

凡遇大慶典禮奉上尊號用寶慶壽用命皇后皇太子
修纂祖宗玉牒寶訓御集等成書幸太學秘書省宰臣
率文武百僚拜表於文德殿下

紹興十六年三月十九日詔進讀孟子終篇越三日賜
講官讀御筵於皇城司侍讀秦熈等翌日上表稱賀謝
十八年四月六日禮部太常寺言檢照國朝會要淳化
五年十二月一日司天監言其日當食雲陰不見占與
不食同宰臣奉表稱賀詔付史館今據太史局申契勘
四月一日太陽當食其日自平明蒼黑雲時有雨至申

時一刻復雲色遮映並不見廚食依經即同不食除已拜表稱賀外合行宣付史館詔依

二十三年十一月七日詔進講尚書終篇特召宰執聽講進讀畢太師秦檜以下稱賀

二十五年四月二十三日詔進講周易終篇越二日賜御筵於秘書省秦檜等各上表稱謝

二十七年十月十六日詔經筵進讀三朝寶訓終篇越二日賜講讀并修注官以下御筵於皇城司侍讀王師心等上表稱謝

二十八年三月一日詔日月簿食皆上穹垂戒有司乃以陰雨不見欲集班表賀甚非朕寅畏天戒之意其令百官毋得稱賀

三十一年十月二十七日太常少卿王普等言勘會今來車駕巡幸行宮官僚過旦望欲乞於和寧門外望行在拜慰表所有表文令禮部修撰拜表訖付進奏院入遞投進詔依

十二月八日禮部太常寺言勘會依紹興七年車駕巡幸禮例行宮官僚五日一拜常參起居表今來車駕巡幸視師緣在恭文順德仁孝皇帝服制之內依已降指揮行宮官僚過旦望日於和寧門外望行在拜慰表所有五日一拜常參起居表欲乞權免其旦望日如值雨雪或地面沾濕欲乞免拜表其表文入遞投進詔依乾道元年六月四日尚書省言皇嫡孫降誕宰執率文武百僚於六月五日詣文德殿拜表稱賀次詣德壽宮

拜表稱賀

中興禮書第二百十卷

嘉禮三十八

進呈安奉仙源類譜積慶圖慶系錄玉牒實訓實錄一

紹興二十七年三月四日宰臣沈該言玉牒所官陳康伯等劄子恭依已降聖旨先次編修到太祖皇帝玉牒自誕聖至即寶位後自建隆元年至開寶九年通修一十七年開基玉牒舊制以梅紅羅面簽金字今欲題曰皇宗太祖皇帝玉牒又編修今上皇帝玉牒自誕聖之後聖德祥瑞建大元帥府事跡至即皇帝位二十餘年又自即位後編修至紹興二年通修二十六年中興玉牒舊制以梅紅羅面簽金字今欲題曰皇宗今上皇帝

玉牒及編修太祖皇帝皇后命氏之源今上皇帝皇后命氏之源宣祖皇帝下仙源類譜太祖皇帝下仙源類譜太宗皇帝下仙源類譜魏王下仙源類譜五世昭穆今已修寫進本欲乞敷奏如蒙聖慈允許即乞擇日進呈所有合行禮儀體例乞特降指揮下有司同本所參酌討論施行務從簡省詔依

二十四日玉牒所言已降指揮用四月十七日進呈所有安奉日分欲乞就用至日擇時安奉仍乞下太史局選定施行其進呈前一日合宿衛作樂緣係章穆皇后忌辰據太常寺狀至日設而不作候進呈時前更互作樂即無相妨詔依

同日玉牒所太常寺言今同共參酌討論到進呈及安

奉合行禮儀體例下項。一勘會進呈玉牒類譜將來
皇帝服履袍御殿進呈事體至重所有禮儀體例欲乞
下閤門修定施行。一勘會今來進呈安奉次日欲乞
依禮例是日皇帝不視事百司作歇泊休務假一日
一勘會今來進呈前一日并安奉日各合用御封降真
香乞從太常寺具合用數報入內內侍省請降。一今
來乞依禮例俟常朝退御殿進呈其後從騎導官內有
合趁赴常朝立班官欲乞至日早一刻開和寧門并南
北宮門。一依禮例合差禮儀使一員以宰臣充都大
主管官一員以入內內侍省官充並乞朝廷降勅差官
一乞依安奉禮例進書日乞令宰執使相侍從臺諫
兩省官知閤禮官并南班宗室及玉牒所官往回騎導

提領官禮儀使騎從本所提舉諸司官并承受官主簿
 諸司官往來照管仍乞從御史臺閣門太常寺告報引
 揖祇應 一進呈安奉前二日依禮例合行奏告景靈
 宮其合差官乞從太常寺具窠目申中書省降勅差官
 并合用青詞祝文御封香幣帛供養鵝梨法醬茶酒果
 燧燭等乞依自來奏告禮例令太常寺具數關報所屬
 專委官及差衙前排辦 一迎奉安奉儀注乞令御史
 臺閣門太常寺修定并合用定時尅擇官一名下太史
 局差撥 一安奉日乞於御史臺閣門太常寺集百官
 詣玉牒殿立班 一玉牒所并和寧門外及垂拱殿門
 外並合用幄次并宿衛官等幕次侍班席屋綵結殿子
 及蠟燭机盆等乞下儀鸞司同臨安府計會都大主管

所并玉牒所絞縛釘設排辦及合用儀衛燭籠三十對
 并執擎人六十人管押二人裝著衣乞令都大主管所
 排辦一進呈日若不測值雨許令導從官并諸色祇
 應人許施雨具至北宮門合下馬處下馬執笏步導步
 從如地下濕潤乞免步導步從徑詣垂拱殿門幕次
 一進呈日其細伏樂人親從輦官等並經由和寧門并
 南北宮門至垂拱殿一合用香案花瓶麻爐匙合等
 乞令臨安府排辦事畢令本府拘收詔依紹興二十八年
 下仙源積慶國神宗皇帝實訓乾道三年進呈三祖
 仙源積慶國太宗皇帝實訓乾道三年進呈三祖
 哲宗皇帝實訓元年進呈三祖
 系錄真宗皇帝實錄元年進呈三祖
 帝王顯宗皇帝實錄元年進呈三祖
 仙源積慶國仁宗皇帝實錄元年進呈三祖
 宗皇帝實錄元年進呈三祖
 行禮儀並仿此

同日玉牒所太常寺言進呈玉牒類譜前一日設帷櫺

行安奉仍乞依禮例用儀仗樂人更互排立許提領官

禮儀使編修玉牒所官屬等宿衛詔依

禮儀使編修玉牒所官屬等宿衛詔依進呈與三十八年

祖下仙源國神宗皇帝實訓宿衛仿此此輪道三年進呈

寶刻更不宿衛淳熙元年進呈三祖下上五世宗藩慶

上皇宗玉牒徽宗皇帝實訓四年進呈五世宗藩慶

六世仙源類譜仁宗皇帝實訓五年進呈三祖下

止今本所官屬宿衛

同日玉牒所太常寺言進呈玉牒類譜合用教坊樂人

一百人細仗二百人援衛親從官二百人

並裝著前一日就本所更互排立并至日往回迎奉及安奉更互作

樂乞下所屬差撥并合用撻擎綵結殿子腰輿輦官

裝全儀注乞下御輦院計會玉牒所合用人數差撥詔依

與紹興

二十八年進呈三祖下仙源積慶國神宗皇帝真宗皇帝
道三年進呈三祖下仙源積慶國太宗皇帝真宗皇帝
此澤熙元年進呈三祖下仙源積慶國太宗皇帝真宗皇帝
帝玉照元四年進呈三祖下仙源積慶國太宗皇帝真宗皇帝
皇帝寶錄淳熙五年進呈三祖下仙源積慶國太宗皇帝真宗皇帝
宋皇帝玉照淳熙七年進呈三祖下仙源積慶國太宗皇帝真宗皇帝
玉照並止用後街觀從官其儀仗樂人更不差操

同日玉牒所太常寺言進呈玉牒類譜畢乞依禮例許

宰臣率文武百僚擇詣文德殿拜表稱賀詔依

進呈三祖下仙源積慶國神宗皇帝真宗皇帝
祖下仙源積慶國太宗皇帝真宗皇帝
皇帝寶錄淳熙元年進呈三祖下仙源積慶國太宗皇帝真宗皇帝
宋皇帝玉照淳熙五年進呈三祖下仙源積慶國太宗皇帝真宗皇帝
仁宗皇帝玉照淳熙五年進呈三祖下仙源積慶國太宗皇帝真宗皇帝

二十八日玉牒所言宗正寺申恭依已降聖旨於玉牒

殿廊絞設帷次推行安奉祖宗仙源慶系屬籍今以修

蓋屬籍堂了畢乞就用四月十七日安奉玉牒類譜同

時正行安奉本所契勘祖宗仙源慶系屬籍合於與祖宗仙源類譜同帳隨逐祖類譜之右安奉本所尋下太常寺條具到下項 一今來安奉屬籍合用御封降真香二合乞下入內內侍省請降 一合差儀衛樂人鞞官並乞於安奉玉牒類譜已差人內分差祇應 一安奉屬籍乞令宗正寺官同南班宗室立班 一安奉屬籍令宗正寺遷正安奉所有合用儀注乞從太常寺修定關報詔依

四月六日太常寺言勘會已降指揮四月十七日進呈玉牒仙源類譜於進呈安奉前二日合差官奏告景靈宮伏乞朝廷降勅差官施行 一奏告前殿聖祖天尊大帝奏告官光祿卿奉禮部太祝大官各一員 一

奏告中殿祖宗諸帝奏告官太祝各一員 一奏告後
殿元天大聖后奏告官光祿卿奉禮郎太祝太官令各
一員 一奏告後殿昭憲皇后至慈聖光獻皇后奏告
官太祝各一員 一奏告後殿宣仁聖烈皇后至顯肅
皇后奏告官太祝各一員 詔依

同日尚書省得旨進呈安奉玉牒更不差禮儀使
九日閤門言進呈玉牒類譜前一日宿衛係忌辰作樂
妨礙乞令所屬別行選日又言已修定儀範其日先進
呈太祖皇帝玉牒三祖下仙源類譜次進呈皇帝玉牒
係作兩項所有往回迎奉亦合作兩項各用儀衛細仗
并樂人其騎導官往回欲乞並令從後并進呈玉牒日
執政官並升殿侍立詔依

十三日玉牒所言進呈太祖皇帝玉牒今上皇帝玉牒
宣祖以後仙源類譜各二本一本合迎奉赴玉牒殿并
祖宗屬籍堂安奉外所有留中一本欲乞下所屬討論
安奉去處太常寺今討論到安奉去處下項 一皇宗
太祖皇帝玉牒一匣并宣祖皇帝仙源類譜太祖皇帝
下仙源類譜太宗皇帝下仙源類譜魏王下仙源類譜
共一匣欲乞並於龍圖閣安奉 一皇宗今上皇帝玉
二匣欲乞於龍圖閣安奉聖統之側安奉 一乞候今
降指揮下日從玉牒所闕報本所都大提舉諸司并承
受官照會候降付本閣日令本閣官燒香安奉及日後
嚴潔崇奉詔依

太又局選定四月二十四日己未吉所
育休遷中興聖統時用其日丙時吉安

奉玉牒等時用
其日庚時吉

二十一日御史臺閤門太常寺言今來迎奉進呈太祖
皇帝玉牒今上皇帝玉牒宣祖皇帝以後仙源類譜進
呈畢赴玉牒殿安奉及詣景靈宮迎奉今上皇帝中興
聖統於本殿一就安奉今同共修定儀注下項詔依

迎奉

前期儀鸞司同臨安府於玉牒殿上南向設權安奉玉
牒類譜并中興聖統幃次又於玉牒所內外設騎從官
及文武百官等侍班幕次又於景靈宮內外設騎從官
幕次

進呈

前一日俟朝殿退玉牒所提領官都大提舉諸司官承
受官玉牒所官等赴本所幕次宿衛俟儀衛儀仗樂人

等排立定御史臺閣門太常寺分引玉牒所官詣玉牒殿下北向立班定禮直官引提領官拜在位官詣玉牒殿下北向立定禮直官揖躬拜提領官拜在位官皆再拜訖次引提領官詣香案前拈笏上香再上香三上香執笏退復位立直官揖躬拜提領官拜在位官皆再拜訖引班退歸幕次宿衛儀衛儀仗樂人作樂晝夜更互排立

迎奉進呈

其日五更儀衛儀仗輦官樂人排立次御史臺閣門太常寺分引提領官宰執使相侍從臺諫兩省官知閣禮官南班宗室詣玉牒殿下北向立班定禮直官揖躬拜提領官拜在位官皆再拜訖次引提舉官詣玉牒類詣

香案前揖笏上香再上香三上香執笏退復位立禮直
官揖躬拜提領官拜在位官皆再拜訖次禮直官引提
領官詣幄前西向立次騎從官分左右乘馬俟玉牒所
率輦官捧掌玉牒類譜腰輿進行樂人作樂儀衛儀仗
迎引次引提領官宰執使相侍從臺諫兩省官知問禮
官南班宗室騎從都大提舉諸司官并諸司承受等官
往來照管至和寧門如未開門玉牒類譜儀衛儀仗
次迎奉玉牒類譜入和寧門騎從等官至合下馬虞下
馬執笏步從玉牒類譜至垂拱殿門外幄次步從官權
退歸幕次樂止儀衛儀仗樂人等並於幄次前排立俟
進呈玉牒類譜並如問門儀訖俟玉牒類譜出殿門御
史臺閣門太常寺分引提領官宰執使相侍從臺諫兩

省官知閣禮官南班宗室分左右執笏步從儀衛儀仗

前引樂人作樂迎奉出皇城北宮門步從等官至合上

下馬處上馬騎從都大提舉諸司官并諸司承受等官

往來照管至和寧門外前引將至玉牒所御史臺閣門

太常分寺引文武百官於玉牒所門內殿門外立班定

內文臣陸務通直郎以上及承務郎見極寺
寺監主簿職事官以上武臣修務郎以上迎拜訖

拜官更不迎拜騎從官至玉牒所並下馬執笏步從詣

玉牒殿下分東西相向立禮直官引提領官詣玉牒類

譜帷前西向立定俟玉牒所率筆官捧擎玉牒類譜入

帷儀仗儀衛輦官樂人作樂更互排立提領官率執使

相待從臺諫兩省官知閣禮官南班宗室及玉牒所官

內玉牒所官
分耶前去

徑赴景靈宮迎奉今上皇帝中興聖統赴玉牒殿同時

安奉

迎奉中興聖統係門見進呈安奉聖統門

安奉

其日俟安奉時將至排辦香火畢都大提舉諸司官并
承受等官往來照管次御史臺閣門太常寺分引文武
百官詣玉牒殿下並北向立班定禮直官引提領官詣
帳前西向立俟剋擇官報時及次玉牒所安奉玉牒類
譜訖次引提領官復位北向立定禮直官揖躬拜提領
官拜在位官皆再拜訖禮直官引提領官詣香案前拈
笏上香再上香三上香執笏退復位立定禮直官揖躬
拜提領官拜在位官皆再拜訖退儀衛樂人等以次退

淳熙元年進呈三祖下宗皇帝玉牒淳熙五年進呈三
上五世宗端履系錄真仁宗皇帝玉牒淳熙七年進呈

仁祖下第六世仙源類譜其迎奉進呈安
宗皇帝哲宗皇帝玉奉儀注並仿此

安奉祖宗屬籍儀

宿衛

其日俟提領官禮儀使詣玉牒殿行燒香禮畢禮直官
引宗正寺官屬詣祖宗屬籍堂下東向立禮直官揖躬
拜在位官皆再拜訖禮直官引宗正少卿詣祖宗屬籍
香案前揖笏上香再上香三上香執笏退復位立禮官
直揖躬拜在位官皆再拜訖歸幕次宿衛

安奉

其日安奉俟玉牒類譜中興聖統并祖宗屬籍訖班退
權歸幕次俟儀衛儀伏樂人輦官於祖宗屬籍堂前排
立定禮直官分引宗正寺官屬南班宗室詣祖宗屬籍

堂下東向立禮直官引宗正少卿詣祖宗屬籍堂下東
向立禮直官揖躬拜在位官皆再拜禮直官引宗正少
卿詣祖宗屬籍香案前揖笏上香再上香三上香執笏
退復位立禮直官揖躬拜在位官皆再拜訖班退儀衛
儀仗樂人等以次退

中興禮書第二百十一卷

嘉禮三十九

進呈安奉仙源類譜積慶圖慶系錄玉牒寶訓寶錄二

紹興二十八年正月二十五日宰臣沈該言恭奉聖旨修纂祖宗寶訓今修纂神宗皇帝寶訓成書欲訖擇日進呈所有合行禮儀訖下有司同本所參酌討論行務從簡詔依

二十九日沈該言伏見日歷所已得指揮擇日投進神宗皇帝寶訓玉牒所依已降指揮編修太祖皇帝下仙源積慶圖太宗皇帝下仙源積慶圖魏王下仙源積慶圖成書欲望特賜敷奏同日進呈所有合行事件務從

簡省訖今本所條具體具例詔依

三十日入內侍省都知陳永錫劄子契勘玉牒所進呈三祖下仙源積慶圖係與日歷所同日行事所有合差援衛親從細仗樂人八廂御前祇應本司契勘今來務從簡省欲訖更不差撥止就用日歷所諸司已下已差人數家同祇應至進呈畢均分儀衛等引從赴所屬安奉其合破折食等錢亦訖今日歷所諸司支散免致重疊所有應合排辦事件欲乞並依昨進呈安奉玉牒類譜前後申請已得指揮體例施行詔依

同日玉牒所官王綸等言本所進呈祖宗仙源積慶圖係自僖祖皇帝至今上皇帝文字所有依例前一日宿衛緣已得指揮與國史日歷所同日進呈即並合赴玉

牒殿作樂宿衛詔依

二月一日王綸等言所有依例合差都大主管官一員
承受官一員訖依昨安奉玉牒類譜例就差施行詔依
二日尚書省言祖宗仙源積慶圖神宗皇帝寶訓已降
指揮同日進呈太史局選用三月七日丁卯吉詔依
同日尚書省言依禮例合差宰臣一員充禮儀使詔依
五日龍圖天章寶文顯謨徽猷敷文閣奏依已降指揮
俟進呈畢於顯謨閣安奉今有合行事下項 一今來
安奉神宗皇帝寶訓并捧遷宣祖皇帝以後仙源類譜
等并徽宗皇帝御集等事干典禮欲乞下太常寺差禮
直官一員赴閣供具安奉并捧遷禮儀 一緣本閣即
未有捧遷宣祖皇帝以後仙源類譜等并徽宗皇帝御

集等日時欲乞令太史局選定吉日時刻閱報本閣詔

依自後進呈畢赴閣安奉並仿此

十二日玉牒所官王綸等言三月七日進呈安奉三祖

下仙源積慶圖今來所進圖本係祖宗文字候進呈畢

欲乞依舊例迎奉回本所玉牒殿中帳內安奉詔依

十四日閣門言今具進呈祖宗仙源積慶圖神宗皇帝

寶訓禮儀合行事件下項 一進呈祖宗仙源積慶圖

神宗皇帝寶訓其日不視事皇帝專御垂拱殿坐 一

禁衛諸班直親從等并玉牒所國史日歷所點檢文字

已下並迎駕起居內侍省都知御帶已下知閣門官已

下管軍行門提領官已下起居班次並如昨進呈仙源

類譜儀 一進呈日皇帝服履袍並用合御卓子 一

閤門官前導祖宗仙源積慶圖神宗皇帝寶訓閤門簿
書官二員前引腰輿入殿俟進呈訖閤門官并簿書官
二員出殿至安奉處 一玉牒所國史日歷所提領官
已下起居訖提領官禮儀使執政官修玉牒寶訓官升
殿進呈餘官殿下侍立 一儀鸞司先於垂拱殿東壁
第一間設帷次展掛積慶圖內太祖下積慶圖東壁面
西太宗下積慶圖西壁面東魏王下積慶圖北壁面南
於積慶圖前設香案內魏王下仙源積慶圖用款摹進斷內神宗皇帝寶
訓於殿上東壁第二間用卓子并香案等安設定俟皇
帝出宮起居班次如閤門儀候班次至舍人分引提領
官禮儀使修玉牒官寶訓官已下并騎導官一班宣名
常起居訖舍人引提領官禮儀使執政官修玉牒官由

東階升殿於積慶圖帷次前東壁西向立定次知閤門
官前導皇帝起詣積慶圖帷次內香案前褥位上立定
閤門提點奏請上香再上香三上香又奏請拜皇帝再
拜訖提領官禮儀使執政官修玉牒官前導皇帝詣積
慶圖觀看畢修玉牒官下殿歸位立次閤門官前導皇
帝詣寶訓香案前並如昨進呈玉牒類誥已定儀注
一次前導皇帝詣神宗皇帝寶訓香案前上香再拜如
上儀後導歸御座次提舉詣司官啟封開錄承官受取
用轉授提領官置於御卓子皇帝起御座前立修寶訓
官進讀訖皇帝復坐一進呈祖宗仙源積慶圖神宗皇
帝寶訓畢聽旨謝恩宣坐賜茶如儀詔依

白後修纂天
昭等成書進

十七日國史日歷所都大提舉司言今來進呈寶訓係于玉牒所玉牒殿宿衛欲乞依進呈玉牒類譜體例更不於和寧門外修蓋席屋止今日歷所約度開門時刻入內進呈詔依

同日龍圖天章寶文顯謨殿獻敷文閣奏據太常寺供將來進呈神宗皇帝寶畢於顯謨閣安奉其本所即無安奉閣匣卓子并國史日歷所閣安奉日集百官於本閣立班今有合行事件下項 一閣匣卓子欲乞下國史日歷所移文所屬依匣樣長闊置造前期赴閣送納充日安奉并日後閣匣使用 一依御寶令本閣門禁置造宮殿門法今來安奉日一行官吏諸色祇應人等欲乞今都大提舉諸司移文逐處前期具的確合祇應

人數保明報本閣並許權令入出詔依

二十日禮部太常寺言進呈神宗皇帝寶訓合前二日奏告景靈宮今未進呈用三月七日契勘前二日係三月五日其日係神宗皇帝忌辰即有相妨欲乞改用前一日奏告景靈宮詔依

二十一日太常寺言三月七日進呈安奉祖宗仙源積慶圖并神宗皇帝寶訓所有三月六日奏告景靈宮合差奏告官并光祿卿等伏乞朝廷降勅差官詔依

與進呈玉册仙源類奏告同
昨前後殿各添光祿丞一員

二十四日宰臣沈該言已降指揮三月七日進呈神宗皇帝寶訓合差進讀官自來係差史館修撰今來本所見闕修撰官進讀取進止詔差秘書少監曾幾

進呈安奉祖宗仙源積慶圖神宗皇帝寶訓儀
迎奉寶訓詣玉牒所

前期儀鸞司同臨安府於秘書省通山堂南向設權安
奉神宗皇帝寶訓幃又設監修國史官禮儀使并國史
日歷所官幕次於秘書省并於玉牒殿設權安奉祖宗
仙源積慶圖神宗皇帝寶訓幃又設提領官禮儀使并
玉牒所官及騎導官都大提舉諸司官承受官以下并
官吏日歷所官都大提舉諸司官承受官以下及文武
百官幕次於玉牒所之內外隨地之宜又設權安奉神
宗皇帝寶訓幃於天章閣并設監修國史官禮儀使并
國史日歷所官都大提舉諸司官承受官以下及文武
百官幕次於天章閣之內外隨地之宜并於和寧門及

垂拱殿門外設權安奉祖宗仙源積慶圖神宗皇帝寶訓
幀俟至日朝退監修國史官禮儀使都大提舉諸司
官承受官以下并國史日歷所官赴秘書省幕次俟儀
衛儀仗筆官樂人等排立定國史日歷所排辦香火畢
備都大提舉諸司官承受官諸司官往來照管次御史
臺閣門太常寺分引國史日歷所官詣道山堂權安奉
神宗皇帝寶訓幀前北向立班定次禮直官引監修國
史官并禮儀使詣幀前北向立班定禮直官揖躬拜監
修國史官禮儀使拜在位官皆再拜訖次引監修國史
官詣香案前播笏上香再上香三上香執笏降階復位
立禮直官揖躬拜監修國史官禮儀使拜在位官皆再
拜訖次引監修國史官禮儀使詣幀前分東西相向立

國史日歷所官權退俟國史日歷所率羣官捧擎神宗
皇帝寶訓腰輿進行樂人作樂儀衛仗前引次引監修
國史官禮儀使國史日歷所官駙從都大提舉諸司官
承受官諸司官往來照管至玉牒所監修國史官禮儀
使國史日歷所管下馬執笏後從入玉牒殿門次監修
國史官禮儀使詣神宗皇帝寶訓帳前分東西相向立
俟權安奉訖次引監修國史官禮儀使國史日歷所官
權歸幕次俟儀衛儀仗筆官樂人等排立定玉牒所排
辦香火畢佈次御史臺閣門太常寺分玉牒所官并國
史日歷所官詣玉牒殿下北向立班定次禮直官引提
領官禮儀使詣殿下北向立班定禮直官揖躬拜提領
官禮儀使拜在位官皆再拜訖次引提領官詣祖宗仙

源積慶圖帳香案前拈笏上香再上香三上香執笏次詣神宗皇帝寶訓帳香案前拈笏上香再上香三上香執笏降階復位立禮直官揖躬拜提領官禮儀使拜在位官皆再拜訖班退歸幕次宿衛儀衛儀仗鞞官樂人等作樂晝夜更互排立

進呈安奉

其日五更儀衛儀仗鞞官樂人等排立定玉牒所排辦香火畢備次御史臺閣門太常寺分引提領官禮儀使宰執使相侍從臺諫兩省官知閣禮官玉牒所官國史日歷所官南班室宗詣玉牒殿下北向立班定禮直官揖躬拜提領官禮儀使拜在位官皆再拜訖次引提領官詣祖宗仙源積慶圖帳香案前拈笏上香再上香三

上香執笏次詣神宗皇帝寶訓幄香案前揖笏上香再
上香三上香執笏降階復位立禮直官揖躬拜提領官
禮儀使拜在位官皆再拜訖次禮直官揖躬引提領官
禮儀使詣幄前分東西相向立次引宰執使相待從臺
諫兩省官知閣禮官玉牒所官國史日歷所官南班宗
室依次出玉牒殿門外分左右乘馬以俟騎導次玉牒
所國史日歷所率輦官捧擎祖宗仙源積慶圖神宗皇
帝寶訓腰輿進行樂人作樂儀衛儀仗前引次引提領
官禮儀使騎從玉牒所國史日歷所都大提舉諸司官
并承受官諸司官往來照管次迎奉祖宗仙源積慶圖
神宗皇帝寶訓入和寧門至皇城北宮門導從官至合
下馬處下馬執笏步導步從至垂拱殿門外幄次樂止

儀衛儀仗樂人等均分各於帷次前排立以俟進呈祖宗仙源積慶圖神宗皇帝寶訓並如閤門儀訖俟祖宗仙源積慶圖神宗皇帝寶訓出殿門權歸門外帷次玉牒所官屬止於垂拱殿門外帷次側幕次以俟迎奉次御史臺閤門太常寺分引率親使相待從臺諫兩省官知閣禮官國史日歷所官南班宗室分左右執笏步導輦官捧擎神宗皇帝寶訓腰輿進行儀衛儀仗樂人作樂前引次監修國史官禮儀使執笏步從_{至合上下馬}至天章閣帷次權安奉訖儀衛儀仗樂人輦官更互作樂排立國史日歷所官屬止于帷次側幕次以俟安奉次引提領官禮儀使率親使相待從臺諫兩省官知閣禮官玉牒所官南班宗室詣垂拱殿門外帷次前分左

右執笏步導儀衛儀仗樂人作樂前引俟輦官捧擎祖宗仙源積慶圖腰與進行導從官至合上馬處上馬都大提舉諸司官并承受官諸司官往來照管出皇城北宮門至玉牒所次御史臺間門太常寺分引文武百官於玉牒所門內殿門外立班定內文臣庶務通直郎以上承務郎見任寺監主簿職事官以上武臣修武迎拜訖迎拜官更不迎拜導從官至玉牒所並下馬執笏導從詣玉牒殿下分東西相向立俟禮直官引提領官禮儀使詣帳前分東西相向立俟玉牒所率輦官捧擎祖宗仙源積慶圖入帳權安奉訖儀衛儀仗輦官樂人作樂更互排立導從官權退歸幕次俟時立班行安奉禮具

安奉祖宗仙源積慶圖

其日俟安奉時將至儀衛儀仗軍官樂人等排立定玉牒所排辦香火畢備都大提舉詞司并承受官詣司官往來照管次御史臺閣門太常寺分文武百官詣玉牒殿下並北向立班定禮直官引提領官禮儀使詣陞前分東西相向立俟剋擇官報時及玉牒所安奉祖宗仙源積慶圖訖次引提領官禮儀使降階復位北向立定禮直官揖躬拜提領官禮儀使拜在位官皆再拜訖禮直官引提領官詣香案前指上香再上香三上香執笏降階復位立定禮直官揖躬拜提領官禮儀使拜在位官皆再拜訖班退監修國史官禮儀使文武百官儀衛儀仗樂人諸色祇應人等並入和寧門至天章閣門外

幕次以俟安奉神宗皇帝寶訓於顯謨閣

安奉神宗皇帝寶訓

其日安奉時前儀衛儀仗輦官樂人等排立定候天章閣排辦香火畢都大提舉諸司官并承受官諸司官及本閣官往來照管次御史臺閣門太常寺分引文武百官詣祖宗神御殿下北向隨地立班定次禮直官引監修國史官禮儀使拜在位官皆再拜訖次引文武百官詣神宗皇帝寶訓帷前隨地立班定次禮直官引監修國史官禮儀使詣帷前立次禮直官引監修國史官詣香案前揖笏上香再上香三上香執笏降階復位立禮直官揖躬拜監修國史官禮儀使拜在位官皆再拜訖文武百官權退歸幕次禮直官引監修國史官禮儀使詣

神宗皇帝賓訓幄前分東西相向立次御史臺閣門太
常寺分引宰執使相侍從臺諫兩省官知閣禮官國史
國史日歷所官南班宗室詣權安奉神宗皇帝賓訓幄
前分班立定次天章閣國史日歷所率輦官捧擎神宗
皇帝賓訓腰輿進行步導官步導教坊鈞容直作樂前
引次引監修國史官禮儀使步從俟神宗皇帝賓訓腰
輿將至閣下知閣禮官導引神宗皇帝賓訓升次知閣
禮官步導官退歸幕次引監修國史官禮儀使詣閣下
香案之東西向少立次引監修國史官禮儀使權退歸
幕次以俟安奉立班本閣捧遷神宗皇帝賓訓升閣權
安奉側座如安奉日值兩其文班儀衛儀仗樂人輦官更
互作樂排立俟奉時將至本閣于閣下排立辦香火畢

—

王顯慶奏奉其迎奉進
呈安奉儀注並仿此

六月二十四日實錄院言本院恭奉聖旨編修徽宗皇

帝實錄今已成書欲乞選日進呈詔依七月三日據大文官選用八月

十一日戊戌
古依

七月五日實錄院太常寺言已降指揮將來進呈并安

奉合行禮儀體例批送太常寺同本院討論申尚書省

勘會將來進呈安奉徽宗皇帝實錄與昨進呈安奉神

宗皇帝實訓并徽宗皇帝御集事體一同今欲比附上

件禮儀體例下項 一安奉徽宗皇帝實錄欲乞俟八

月十一日進呈畢於數文閣安奉 一合差禮儀使一

員以宰臣充 一合差都大主管官一員止乞就差實

錄院都大提舉諸司引見道詔依御殿進呈禮儀及不視事作休務假請降

御香迎奉進呈安奉用尊從官并儀仗儀衛樂人排立
本院官宿衛安奉日集百官立班前二日奏告景靈宮
奉修立儀注應合行事并立興進呈要
奉神宗皇帝寶訓錄宋皇帝御集一同

十九日宰臣湯思退言昨已經進呈實錄六十卷今欲
自實錄六十一卷修撰官進讀五版及乞候進呈畢繕
寫折半小本進納御府詔依